

序言

中國圖書館藏書

每部一百六十五文

小學歷史地理應從鄉土誌始此研究教育者之公言也顧君植之曾在東林編錫金鄉土誌積二十餘課而中輟鄙人卽其所輯而分編鄉土歷史鄉土地理兩卷其八十餘課以之教小學生徒愧未能淺深合度暫將課之短者每休沐分歷史地理各授二課課之長者每休沐各分授一課一年之中除放假月考停課外約計三十休沐得一百二十時以課之長短相間授之約一年畢業用之于尋常小學第三年或第四年爲適當之

錫金鄉土歷史

序言

程惟是編之採取材料以一人之見聞所及固陋實甚而地理下卷中之鄉鎮狀況尤不免有掛一漏萬之弊茲以吾邑城鄉內外小學漸多鄉土誌之待用孔殷倉猝付梓謬謬不鮮今惟望吾邑同人有所正謬匡予不逮以期再版改良是所深幸

光緒丙午閏四月

侯鴻鑑識

錫金鄉土歷史上卷



第一課 位置

指地球五色之圖。沿亞東海濱之省。不有江蘇乎。江蘇之屬府有常州。常州之屬縣八。武進陽湖無錫金匱江陰靖江宜興荆溪無錫金匱居其二。地方百里。人文之多。物產之富。數千年甲於他郡縣者。位置之不同於他郡縣也。錫金之位置。東北百里外。長江襟帶於左。西南數十里之間。高山屏障於右。其南則有太湖爲之沼。又足以資吾臨眺焉。此地理之得於自然。文物之足以競勝於他邑。良有以也。

錫金鄉土歷史 卷上

第二課 定名

無錫之名。始於漢初。漢以前。舊名錫山。以邑之西城外五里許。有山曰錫山。山多錫礦故耳。周秦之時。採掘之人日多。客民與主民爭利。禍亂相作。繼而錫盡。亂民亦安。以山之無錫。故名無錫。而當時。且有山無錫天下安之謠。蓋採取不得其法。僅在地面搜掘。而不知開向深處。乃曰錫盡。因錫盡而無利可爭。禍亂始已。未開化之民。其智識固有限也。

第三課 地勢

無錫之地勢。西南多山。龍山爲諸山之脊。在邑城外五里許。東北亦有諸山。南有太湖。爲邑中河灣諸水。匯集之區。湖濱諸山。列若屏障。邑之全境。由北而南。運河貫於其間。四鄉曠地。多肥沃之土。易於耕作。邑城居中。東西相距約二里許。南北相距約三里許。而邑境則東西相距約八十餘里。南北相距約九十餘里云。

第四課 民族

上古狃榛之世。無所稽考。自禹驅苗蠻以後。江淮以南。我漢族始有遷居其地者。商周之時。居民漸眾。秦漢之錫金鄉土歷史 卷上 一一
交。戰亂相續。迄乎東晉。數百年中。由北而南。衣冠望族。避徙吾邑者。聯袂而來。中更南北朝之戰爭。人民死喪。爲民族最衰時代。至宋代。高宗南渡。羣以大江以南爲樂土。此爲吾邑之民族繁盛時代。至清之咸同間。洪楊逞兵。吾邑民族。幾無遺類。迄今數十年來。生齒日繁。漸復曩時之盛矣。

第五課 分縣

金匱爲無錫分縣。劃邑之東境爲金匱界。邑之西境爲無錫界。邑城之中。有金匱山。在六箭河畔。宋元時。山多

寶石。色兼黑白。形式玲瓏。輝光燦爛。人爭取之。輒爲園林補綴。花砌裝飾。可寶貴也。分縣之名。蓋由於此。

第六課 官吏

無錫金匱均設縣令。劃疆而治。佐以縣丞主簿典史。分理其事。設城守備。千總把總爲巡防。設教諭訓導爲學官。又有臯橋司望亭司兩巡檢。以及駐防太湖水師營哨官等。皆有地方專司。實則徒擁虛位。坐耗民膏耳。無錫縣治在邑城西大街玉帶河之北。其地相傳古吳周將軍帥府。金匱縣治在邑城倉橋之東。以金匱之新設。故名新縣。無錫之舊有。故名老縣。其餘各衙署均分居邑城之中。而望亭司則僑寓蕩口云。

第七課 農業

錫金田畝。素稱肥沃。北鄉爲最。西鄉次之。東南鄉又次之。西南鄉之田畝屬無錫。東北鄉之田畝屬金匱。蠶事以西北鄉爲最。漁業以西南鄉爲多。以其近湖故。林業以西鄉爲最。以其多山故也。吾邑農業之盛。較之他縣爲優。春麥秋稻。歲收之豐。歉以人工之作。輟爲斷。然吾邑人民耐勞苦者多。故歲收約在七八成之數。蠶事純

乎自然。而於人事界上。缺其研究。故豐歉無定率。雖其利足冠我江蘇全省。而近年則利爲外奪。不及往歲多矣。至漁業林業兩項。則尙未發達。是皆爲有志研究農業者。所當設法以改良之也。

第八課 工業

錫金工業。較農業爲優。金石之工。以鐵工最爲發達。業此者。上海有數萬人。南洋各島。日本長崎等處。無不有。我錫人鐵業之踪跡。邑之西南隅多山。鄉人多開山取石爲業。載運他方爲建築之用。而金石之工。以雕琢

爲業者。則精細其工。良美其器。銷售於他處者殊多。木工之雕刻精細。尤爲吾邑工業之最。土工之捏造雕。如惠山泥人及各種耍貨。銷售他方者。亦爲吾邑惟一之出產物。假能設法改良。藉爲各種標本。則將來有益學界。殊非淺鮮。是皆由吾邑舊有之工業而言之耳。至近有發明新理。爲製造家之特色者。進步之速。可爲前途賀也。

第九課 商業

農爲植其材。工爲作其事。商爲運售以通其財。無地無

商卽無地無商業吾邑商業以絲米兩項爲大宗。審業冶坊兩項爲吾邑惟一之出產物。故銷售各處其利甚溥。綢緞紗羅嗶嘰呢絨等均由各省及外洋運販來錫者。每年出入類皆鉅萬。果品食物利亦甚多。其最足損害吾鄉之一物則烟土一項。銷耗我鉅款。損敝我精神。每年銷售於吾邑者。不可勝數。權出入之商品以有益之絲米。不能敵有害之鴉片。是爲可慨者矣。

第十課 風俗

吾邑民風四鄉皆樸素無華。惟邑城內外競尙奢靡。而

錫金鄉土歷史 卷上

五

上下中三等社會之風氣。又各不同。富豪之家。固不必言。商界之糜費。尤鉅。貧困之家。類能任勞動之役。而黠者。則無不崇信多神之教。以致迎神賽會時。有其事。而佛事道場。積習甚深。雖上等人民。亦所不免。可知風俗之美惡。固不可一例而論。然猶當責難於我儕。中等社會之人。負改良風俗之責任。救弊扶衰。一歸純良之俗也。

第十一課 學風

無錫學風明之中葉。爲最盛。崇尚道德性理之學。有宋儒之遺風焉。崇禎間。敦勵氣節。風尙爲之一變。清主中

夏論令薙髮。吾邑抱道之儒負奇之士。殉國者多於他邑。蓋如華公允誠馬公世奇等。平時研學勵節。有以致之者久也。乾嘉間多士磨勵經義四書義。多湮沒不彰者。然風氣之遞變。亦政府塞聰杜明之所致也。洪楊事起。吾邑爲墟。同治以來。八股詞章之學。經史掌故之家。接踵而興。普通之知識。尙不能得。何論經世之務。學風日下。良可歎也。近十年來。外界之擊刺日深。吾邑之游學東洋者。官私費其二十餘人。游學西洋者。十餘人。而東西洋留學之畢業生。已十餘人。其肄業於各省學堂者。四百餘人。而邑中公立私立之學堂。且七十餘所。學風之改良進步。是在擔任教育之人。苟循此以往。日有進境。其發達正無已時也。

第十二課 武備

無錫自同治初年。洪楊之兵敗沒後。我政府照舊設營守兵。駐紮汛地爲防守計。今則城守營守備南塘千總北塘把總。又有協防外委。額外外委等官。分汛僅有額。于望亭洛社等處。皆爲千把總之佐。兵數十名耳。舊制兵分馬步守爲三級。蘇省兵燹後均未招足。迺又迭次裁遣。僅存此數人耳。營隸於常州營遊擊。歸提督節制。是爲陸路。次則水汛。

錫境歸太湖右營所轄

都司駐宜興之烏溪口

金境歸淞北營所

轄副將駐常熟

均歸提督節制是為裏河水師又有留防太

湖水師專防各口釐卡緝私水師專巡私鹽皆為防勇
近以巡警部議改陸路營汛為巡警將盡裁舊制之官
兵然邑之防盜水路重于陸路也

第十三課 徵兵

欲謀地方自治非人人有當兵資格不可欲人人有當
兵資格非盡人入學受普通教育不可善夫吾國各省
行就地徵兵之法也自乙巳年冬間江甯督練處派徵

錫金鄉土歷史 卷上

兵官及徵兵員往各府州縣就地徵兵吾邑開徵之際
學界同人分任勸導鼓勵之責由是邑人之踴躍應徵
者約四百餘人多商界之青年及高等小學之學生當
其赴甯時紳商士庶每次必開歡送會行贈旗禮唱新
兵歌以榮其行一時尚武精神彪然振起三年退伍必
有傑出之人以輝光吾九龍山色者

第十四課 財政

錫金之賦稅約分四類曰地稅註

無錫地丁銀三萬八千八百八十三兩金

價四萬九千零三十二兩每田一畝歲征地丁銀一錢一分五釐分上下兩忙征收每銀一錢折錢二百廿文

曰漕糧註

錫邑漕白二米一萬五千五百石金邑一萬五千三百七十三石每田一畝歲徵漕米六升

釐稅曰雜捐地丁兩稅納貧於富歸丁於地由地方官征收故合漕糧而為上忙下忙漕米分三次出地保分地追繳釐卡則設於四鄉要地征收土貨之運出客貨之輸入者收數甚微而為害於鄉里甚大各項雜捐皆出於商者多而捐數之大者如米釐烟捐絲捐房捐以及各貨之捐或報解上省或留充本地之用分之則其數甚微合之則其數甚鉅也

第十五課 航路

錫金鄉土歷史 卷上

吾邑運河乃轉輸漕糧之道也水程四達商船紛來自光緒十二三年時開通內河輪舟南達蘇滬北接營鎮吾邑地據中樞實為停泊要埠華洋商人爭設輪局商務益盛其局皆設在北城外並設分局於南城外往來客商運載貨物殊稱便利云

第十六課 郵政

無錫郵遞向設驛站於西城外名曰錫山驛專遞官場文牘及供京外官僚往來車馬舟馬皆定制開支地丁正款而民間信件則有信局十餘家為之寄送自海道通行大府之

供億稍簡己丑年又創設郵政局各段設郵政箱民間信牘往來迅速誠交通之一大機關也

第十七課 電報

自光緒初年設電報分局於邑之北城外立電竿於塘岸南通蘇滬北達常鎮江甯等處而電報總局則設於上海蓋無錫自設電局以來信息之流通十倍於曩日矣

第十八課 鐵道

無錫向無鐵道自中英合辦甯滬鐵路癸卯年由總工

程處派委員及洋工程司測量地址插籤標記向民間逐段購買甲辰之冬始行築路安置鐵軌丙午夏間二竣自望亭入錫境迤邐至南城外沿東城而北設總車站于兩壩分設腰站于望亭周涇火車業已開行南通蘇州上海轉瞬全路築成北達江甯行旅固稱便捷商務尤當發達也

第十九課 學校

吾邑之學校自私立三等公學及公立埃實學堂後七八年間公立私立之學校接踵而起如改東林書院爲

東林學堂。創立專門理化研究會。增設四城小學校。建立初級師範學堂。是爲地方公款所設立。及津貼之最著者。其次商業半日學校。爲商會所設立。勉強學堂。爲孫氏私立。胡氏公學。胡氏女學。爲胡氏私立。秦氏公學。侯氏公學等。皆以一姓之族款創設者。日新小學堂。始功小學校。爲一鄉集款而設者。其爲同志數人組織而成者。則有錫金公學。設兩年而因款絀停辦。此外如開智小學。振中小學。竺西小學。繩正小學。是也。其以個人之力創辦者。則速成師範學校。爲培養小學教員。廷瀾錫金鄉土歷史 卷上 十

學堂。爲預備商業之校。華氏補公學校。侯氏兩等模範小學。林氏單級私塾。爲蒙養之基。競志女學校。及補女學。振英女學。開濬女子普通智識潛化家庭習慣。爲旨。是爲吾邑學校之大概。他日風氣轉移。學校宏開。庶有教育普及之一日也。

第二十課 社會

吾鄉士林中人。自古崇尚氣節。明季東林黨人。排斥權閹。氣節最盛。後爲權閹所傾陷。黨人流血者接踵。未幾復社興。一時清流之士。組織堅固。朝臣爲之側目。二百

餘年來如清初楊園諸俠客。輕財好義。締結亦盛。文字獄起。羅織士夫甚多。迨近年外患迭起。吾邑志士創立學會。藉以研究學業。固結團體者。不尠。始有勵志會。體育會。教育會等。後有調查會。連絡邑人之游學外國及外省外縣者。實行調查學務事項。其他各學校。皆有學生自治會。又有女界同人組織之天足會等。社會發達現象。漸有進步。惟公德公義。尙宜有人竭力提倡之也。

第二十一課 宗教

中國向無宗教。故外教之侵入。無不迷信。吾邑之愚民。無

教可宗。無神不信。謂之爲多神教可也。而信佛者十居六七。城內外之道院佛殿甚多。雖俗傳儒釋道三者。爲吾中國舊教。然孔老二氏。固皆非宗教家。而釋氏一教。後人誤其旨趣。致多荒渺無稽之談。使愚民迷惑。無不景從。是則社會之一大害也。

第二十二課 西教

同治初。西教漸流播中國。而無錫近於上海。通商口岸。故西教之侵入。邑境爲尤易。西教分新舊兩派。舊教卽天主教。新教爲耶蘇教。蓋自路德改革宗教以後。因天

主教徒之不守舊約乃創行新教頒發新約至今奉天主
主教者多意國法國等人奉耶穌教者多英國美國等
人傳教無錫者天主教教堂在北門外三里橋信教者
多漁人及下等愚民教堂規模宏敞創建於光緒初年
至光緒十六年有地方匪徒起而焚毀之越明年肇事
之首犯正典刑者數人教堂房舍由縣令賠款重建之
信教者益眾耶穌教堂其始於南門外租民間房屋爲
之繼則建屋數楹於跨塘橋南教士則中國人之信教
而資格稍深者爲之信教者約五六百人又有美國教
士數人別租房舍於黃泥埭傳教約四五年信從者數
十人而已繼而有美國聖公會教士分設教堂於二河
河畔中西教士各一人聯絡士大夫以開設小學建立
醫院爲要務信教者亦祇百人左右耳總之西教之侵
入吾邑信從者眾蓋吾國向無國教之所由來也憂時
之士用戚戚焉

第二十三課 學宮及書院

吾邑學宮崇祀孔聖及先賢外埭鄉賢祠及名宦祠春
秋上丁日由錫金兩縣令偕同城之文武官員並邑

之士人等以太牢少牢致祭焉。東林書院爲宋楊龜山先生講學遺趾。明之高顧諸公亦講學於此。清初邑中諸先正修葺其居爲校士館。延山長於其中。分官課師。課以課士。自光緒二十八年遂改爲高等小學校。而院中猶祀先賢之神位。院之東偏建道南祠。祀龜山先生及顧高諸君子云。

第二十四課 廟宇寺院

吾邑之廟宇甚多。邑城內外有所謂十廟者。各鄉各區有所謂大王廟者。別有各種神廟。城鄉內外無地不有。古刹香火甚盛之地。尤難悉數。

第二十五課 俗禮

吾邑城市之間。中人家一婚禮一喪禮之費用。往往破家而變產。蓋俗尙奢華。且多不可思議之舉動。有識者深鄙之。婚禮則有所謂納采送紅辦妝茶禮迎娶請宴送盤種種惡俗。喪禮則有所謂成服接回約辭開弔種種喪儀。其餘慶賀之事。則有賀年祝壽以及宴湯餅待魁星之類。不可枚舉。居常年節。則有燒路頭祀竈神。

齋天地祭室神等。要皆俗禮之至可笑者。安得吾人智識學問日漸發達一掃而空之也。近雖有人排斥此種俗禮且能改良婚禮是亦吾邑漸進文明之一斑矣。

第二十六課 名勝

無錫風景以惠山爲最佳。九龍起伏二泉幽勝。名園花石敗塔雲霞皆足以游目騁懷動我思慕也。太湖則煙波萬頃羣山環抱尤爲江蘇全省之勝。梁鴻谿仙蠡墩漁舟往來風景絕佳。其他楊園之蓮惠山之栗溪河之菱石塘之瓜皆景物之最著者。至黃埠墩砥柱中流有錫金鄉土歷史卷上

小金山之名爲芙蓉湖遺趾。北塘燈火帆檣林立又爲吾鄉商務關係之區也。

第二十七課 公園

乙巳年秋間由邑中士大夫特別集款劃觀前街三清殿後曠地爲公園植竹籬栽花木畧事點綴爲邑人游息之所。丙午春開拓園右隙地通崇安寺萬松院之前街關深池鋪草地擴張公園之界。從事補綴之功。茅亭淺草閒步逍遙邑人之得以享受此清福者首事諸公之造福甚大也。

第二十八課 產品

吾邑農產品以米麥雜糧爲大宗。工產品以絲爲大宗。其次則棉布棉紗毛巾黃草夏布密貨冶器磁料泥人等爲特品。漁業礦產藥材果品等尤夥。惟任天產品之發達而不加以人力之研求。故銷路不甚廣。苟能加以人爲之攷察。可占江蘇全省之優點也。

錫金鄉土歷史下卷

第一課 名人事畧 一開化二偉人

殷周之間吾邑實為荆蠻文身斷髮風俗甚陋開闢草昧者厥惟泰伯泰伯為周太王之長子挈弟仲雍託言採藥遠避荆蠻以讓位季歷實居邑之梅里自號勾吳荆蠻之人從而歸之者千餘家築城自衛周三里二百步外郭三百餘里古里與今里之異同待攷端委治之蠻野之風因以漸化泰伯卒葬於邑之皇山即鴻山廟在梅村規模壯濶與聖廟同開幕之功不可忘也泰伯之後仲雍繼

錫金鄉土歷史 卷下

之斷髮文身裸以為治其用心亦苦後此二千數百年而復得一楊龜山先生

第二課 名人事畧 二

楊先生名時字仲立宋南劍將樂人也即今福建延平府將樂縣登

第後不之官師事河南程子顥講孔孟之學其歸也顥目送之曰吾道南矣顥沒後又師事頤一日頤冥坐先生侍立不去頤既覺門外已雪深三尺其誠篤如此久之出仕為州縣官四十有七年入諫垣九十日凡所論列皆切於世道致仕後來至常郡往來於毘陵常州別名梁